

ut utar judicio *Scaligeri*, (26) jam dudum nos docuit, ideo inscitiam *Cardinal. Baronii* in hoc studiorum genere increpans. (27) Potius reliqui Judæorum ex ipso S. Scripturarum fonte satis informati certique fuerunt, juramentum permissum, imo mandatum esse. Sic enim legimus: (28) *שבע תשבע את יהוה אלהיך תירא ואתו תעבד ובשמו השבע* quod juxta versionem incomparabilis *Exegetæ, B. DN. D. SEB. SCHMIDII*: (29) *Jehovah, DEum tuum timebis, & illi servies, ac in nomine ejus jurabis.* Contrariari quidem adductis locis videtur alias, in quo per nomen DEI jurare Judæis interdicitur. Sic enim *Hoseas*: (30) *אל תשבעו חי יהוה* *ne juretis; Vivit Dominus.* Ast Prophetam non juramentum omne, sed tantum illud, quod oscitanter, morose, falsoque committi solebat, prohibere, ex ipsis Judæis recte animadvertit *R. Moses ben Maimon*, hæc loca ita concilians: (31) *אמרה תורה תשבע בשמו ואמרה תורה אל תשבעו חי יהוה לל כמו השבועה אשר אין צריך אליה מזהיר ממנה והיא לל תעשה כן השבועה בעת הצורך יוצאה בה והיא מצות עשה* i. e. dicit *Scriptura*: (nempe *Deut. VI. 13. X. 20.*) *in nomine ejus jurabis, & alio loco dicit. ne juretis; vivit Dominus, (Hos. IV, 15.) hoc ita intelligendum, quemadmodum juramentum non necessarium prohibet (quod est præceptum negativum) ita e contra juramentum necessarium permittit, (& hoc est præceptum affirmativum.)* Probant insuper juramenta quædam esse licita, varia piorum jurantium exempla, ut *Abrahami*, (32) *Isaaci*, (33) *Jacobi*, (34) *Mosis*, (35) *Legatorum Josue*, (36) *Davidis & Jonathanis*, (37) aliorumque; imo ipsum DEUM jurasse, ex Sacris passim constat. Præterea necessitas res diversarum partium decidendi atque componendi, juramentum postulat: Est enim juramentum juxta *Apostolum* *πίστεως πάντων ἀντιλογίας ἐς βεβαίωσιν*, *finis omnis contradictionis in confirmationem.* (38)

- (22) *Tr. Scheb. c. XII. § 12.* (23) *Essenos* etiam ab Antiquis *Offenos* dictos fuisse, probant ii, qui de iis scripsere, ut *Scaliger in Trihæresio*, *Drusius de tribus Sectis Judæorum*, *Pfeifferus* aliique ut illo citati in *pec. de h. materia dissertatione.* (24) *de Preparat. Evangel. L. IX. c. 1.* (25) *de Bello Judaico Lib. II. cap. VII. ex versione Sigismundi Galenii, priorem versionem Ruffini Aquilejensis ad Græcum conferentis & emendantis.* Quæ versio Operum Josephi absque textu authentico prodiit *Francof. 1617. 8.* (26) quod habetur in *Biblioth. Vet. & Nova Georg. Matth. Königii p. 171. 4.* (27) in *Exercitationib. Anti-Baronianis, Exerc. XV. n. 4. p. 249.* (28) *Deut. VI. 13.* quod idem repetitur *c. X. 20.* (29) *ad h. l.* (30) *s. IV, 15.* (31) *Comment. ad præcept. CXXIII. ut cum allegat Sam. Petrus Leff. Var.*